

福

十四

傷寒

古今醫統大全卷之十四

福集

右春坊右中允翰林院脩撰震川何捐俸梓

傷寒門

下

新安東臯徐春甫編集
武林靈石皇甫蒿校正

小便不利

膀胱主分津液熱畜於內津液不下行故不利也有邪氣結於下
焦聚而不散則小腹硬滿而痛小便所以不利也凡不利者宜導
而滲泄之若引飲過多下焦蓄熱或中濕發黃水飲停留皆先利
小便有汗下後忘津液胃中乾竭則有利小便之戒有小便
不利而頭出汗者乃為陰脫關革之疾也

和鮮傷寒五六日已汗復下小便不利心煩桂枝湯 小柴胡湯

分利太陽汗後脉浮小便不利微熱而渴 五苓散 渴甚者猪

苓湯

清利傷寒七八日身黃如橘小便不利腹微滿者 頭汗出小便

不利渴飲水漿瘀熱在內必發黃並用 茵陳蒿湯

攻下小便不利大便乍難乍易微熱胃中有燥糞也 大承氣湯

選用 有潮熱兼大便泄小便不利 柴苓湯

濕風濕自汗身重不利者陰氣也 甘草附子湯

熨法小便不通其因有二熱鬱不通用田螺搗朴硝少加麝香如

泥貼臍上自通寒凝小水不利者用炒鹽熨臍下當通然則寒

熱不可不詳審也

冬陰寒甚而小便不通陰囊縮入腹痛欲死灸石門穴

仍服四逆湯

小便自利

傷寒小便自利正因不當利而反自利也如大陽陽明自汗者不應利小便而反自利者寒為膀胱不禁熱為畜血使然是亦傷寒之一證也津液竭而病危矣夫安得不有治乎

和太陽病小便自利以飲水多心下悸桂枝茯苓甘草湯

血太陽身黃小便當不利今反自利其人如狂為下焦畜血抵

當湯傷寒有熱小腹滿應小便不利今反自利為有血也抵

當凡 尿血玄胡散

大便閉小便自利知其熱在內微用承氣湯 下之

溫 大便自通小便清利知其內虛寒也 四逆湯 真武湯去茯

苓用

蜜導 陽明自汗應小便不利而反利津液內竭也糞雖硬不可攻

宜蜜導猪胆汁法

小便數

傷寒小便數者乃小便頻來而短少也腎與膀胱俱虛客熱乘之

虛不能制水也 又有膀胱積熱則水行澀澀則小便不快故澀

淋而數起也 若大便難小便數是為脾約約者儉也脾主為胃

行其津液今胃強脾弱約束不行致小便數而大便難也

下太陽汗吐下後小便數而胃不和譫語者少與調胃承氣湯

大便硬者小承氣湯 小便數大便堅脾約丸

溫大陽自汗四肢拘急難以屈伸心煩微惡寒脚攣急小便數者

不可行桂枝宜與甘草乾姜湯 芍藥甘草湯

發黃

傷寒發黃證通身面目皆知如薰黃如梅如橘是因當汗不汗而

生黃也當利小便却不利小便亦生黃也瘀熱在裏身必發黃胸

中水穀不消太陰脾土應於肌肉濕熱所蒸而至肌黃治須泄熱

滲溫為先 有頭汗出齊頸而還渴飲水滌者畜血也 大抵不

外表裏鬱熱所致其風寒所鬱者問而有之傷寒至於發黃為病之已甚也是以有不治者多矣 寸口近掌無脉鼻氣冷者不治形體如烟薰直視搖頭者為心絕死 環口蠶蠶柔汗發黃為脾絕死

發汗發熱一身盡痛面目俱黃太陽中濕麻黃湯 連翹赤小豆

湯 脉浮而緊發黃者不可下 麻黃各半湯 身熱不去瘀

血在裏而黃小便微利 麻黃連翹赤小豆湯

和能往來寒熱一身盡疼 小柴胡加梔子湯 脉浮絃咳嗽短

氣無汗脇痛鼻乾嗜臥一身及面目盡潮熱小便不利 柴

苓湯

發熱 頭汗渴欲飲水小便利大便反快而黃者 五苓散加

茵陳湯 小便不利四肢沉重似瘧不欲飲 茵陳五苓散

服此而小便如皂莢汁則黃從小便出也

陰黃 傷冷中寒脉弱氣虛小便如常變為陰黃理中加茵陳

湯 韓祗和云因下火過脾胃虛津液竭飲水自傷此陰濕傷

脾變黃 茵陳茯苓湯 茯苓橘皮湯 小茵陳湯 茵陳四

逆湯 茵陳茱萸湯

搐鼻 初覺發黃以瓜蒂散吹鼻內口擒水搐之鼻中出黃水驗

發斑

傷寒發斑熱甚而傷血血熱不散裏實表虛熱氣乘虛出於皮膚

而為班也輕則疹子甚則如錦紋或病本屬陽誤投熱藥或當汗不汗當下不下或汗下未解皆能至此 有下之太早熱氣乘虛入胃故發班下之太遲熱留胃中亦發班 陽證熱藥過多胃熱焦爛亦皆發班也 有表虛裏實熱毒不散所以不可輕發汗不可輕下 陽毒發班者若熱毒深入班發紫黑是毒陷於內不可治也班赤者逆黑者十死一生

消散陽毒已深內外結熱舌卷焦黑鼻如烟煤狂言見鬼面赤班

如錦文五日可治六七日不可治 陽毒升麻湯 人參白虎

湯 始用熱熾發為赤班或咽痛 玄參升麻湯 表證多者

防風通聖散去硝黃

鮮利溫毒發斑而嘔者 葛根橘皮湯 嘔吐清汁眼赤口瘡下

痢 黃連橘皮湯

鮮熱傷寒五六日班出猪膽雞子湯 蕪咽痛紫雪細細嚥之

發赤斑 大青四物湯 發斑通用升麻湯 犀角地黃湯

熱多玄參升麻湯 黃連四物湯 青木香一物湯

涼血溫毒發斑冬月大煖人受不正之氣至春發為斑爛癰疹如

錦紋謂之溫毒陽脉浮數陰脉實大 黑膏化毒母

下溫毒身無大熱渴煩大便實腹痛有赤斑癰疹者 調胃承

氣湯 斑見無大熱脉虛秘悶 當歸丸

清補汗下後胃虛極而發斑者此火遊於外所致 白朮加人參

白朮

狐惑

傷寒不發汗變為狐惑狐惑二字取其進退猶豫不決之意也因
內胃食少腸胃空虛三蟲求食嚙人五臟故唇口生瘡上唇生瘡
垂食其臟為惑下唇生瘡垂食其肛為狐其候齒燥聲啞惡飮食
面目乍赤乍白乍黑舌上白胎唇黑有瘡細肢沉重喜眠其咽乾
口瘡其者死

清熱黃連犀角湯

涼血唇瘡聲啞桃仁湯

殺蟲雄黃銳散為膏納穀道中

多眠

凡病者多不得眠傷寒反多眠者其說有四一太陽病欲解則多眠此神將復也一少陰病脉沉細但欲寐此神昏也一風溫為病當不了了亦多眠也一狐惑病四肢沉重喜睡上下唇有瘡此神恍惚也大抵陽氣虛陰氣盛則目瞑故多眠乃邪氣傳于陰而不在于陽也昏昏閉目者陰司闇也默默不言者陰主靜也

和鮮太陽病脉細多眠外已鮮也 小柴胡湯

溫少陰尺寸脉俱沉細但欲寐者少陰證也 四逆湯

風溫陽脉浮滑陰脉濡弱多汗或發汗後身猶灼熱喘息多眠風

溫也 姜豉湯

不得眠

陽盛陰虛則晝夜不得眠蓋夜以陰為主陰氣盛則目閉而臥安
若陰為陽所勝故終夜煩擾而不得眠也所謂陰虛則與夜爭是
也大抵傷寒不眠者蓋熱也諸陽相併陰陽未獲所以不眠有
汗多不眠汗為心液汗多則神脫故不眠有大熱而神不清亦
不眠有大下則動血心主血亦不眠瘥後熱氣與諸陽併陰氣
未復亦不眠

和鮮

吐下後晝夜不眠 酸東仁湯 吐下後心中懊懣虛煩不

眠者 梔子豉湯

清熱

大熱嘔錯語不眠

黃連鮮毒湯

少陰病二三日已上心

煩不眠 黃連雞子湯

與水 太陽大汗出胃中乾不得眠欲飲水者少與之

分利 下後而渴不眠 猪苓湯 脉浮小便不利不眠者 五苓

散

溫下 後復發汗不得眠無表證脉沉 乾姜附子湯

短氣

短氣者呼吸短促而不能相續也千金方云少氣不足以息是也

似喘而不搖肩似呻吟而無痛者短氣也心腹脹滿邪在裏而為

實心腹喘滿邪在表而為虛有停水心下亦有短氣隨證攻治無

不愈矣

更汗短氣但坐以汗出不徹故也更發汗則愈 葛根加人參湯
兩解有短氣腹滿而喘有潮熱者此短氣之實也 大柴胡湯

溫經腹濡滿而短氣者邪在表而為虛也 跌陽脈浮而緊則為
痛微則為虛相搏則為短氣之虛也 風濕相搏汗出短氣小
便利惡風不欲去衣 甘草附子湯

分利水停心下短氣 五苓散

下乾嘔短氣汗出不惡寒此表解裏未和 十棗湯 大陽病下
之早心下硬為結胸 大陷胸湯

蚘厥

蚘厥者食即吐蚘此為臟寒蚘上入膈故時或發煩須臾復止得

食而嘔又煩又煩者蚘聞食氣其人當自吐蚘或因發汗胃中冷故長虫出又有胃氣困乏雖飢不能食食到口蚘聞食氣而上虛寒并於胃中所以食與蚘并吐而出也 仲景止用烏梅丸

溫活人書謂吐蚘為胃中虛冷先用 理中丸 或四逆湯

利渴吐蚘 理中加大黃入蜜以利之

水氣

水氣為水飲也水為至陰其性寒有內熱得水則消身熱內寒得水而寒相搏故水停心下

兩解表不解心下有水氣乾嘔發熱喘渴或利或小便不利少腹滿 小青龍湯 心下有水氣喘而欬熱不渴服湯已渴者此

寒去欲解 小青龍湯

分利中風傷寒六七日欲渴飲水水入即吐有表裏證名水逆

五苓散

下結胃無大熱此水結在脇但頭汗出 大陷胃湯

溫少陰腹痛小便不利四肢疼痛下利此有水氣或咳嘔或小便

利 真武湯 厥而心下悸宜先治水 茯苓甘草湯

百合病

百脉一宗舉身皆受病無經絡之狀大抵病後虛勞臟腑不平變

而成此其病似寒無寒似熱不熱欲食不食欲卧不卧欲行不行

以寒非寒似熱非熱默默不知所苦服藥即吐有如見鬼小便赤